

钱塘诗刊

第二十一期

钱塘诗社主办

二〇〇五年十月

目 录

国耻难忘.....	1
魏义友 黄祥麟 白尚斌 陆景秋 刘道龙 贝闻喜 郭静洲 靳方华	
和平之旅.....	4
王伊恩 魏义友 李吉凯 胡炳生	
骚客情怀.....	6
王 见 王家淦 何宏斌 宋贞汉 赖竹林 蔡文锦 周文炎 朱学翁 李学茂 方凤翔 魏京宁 古从新 李广洋 曹少松 汤柏林	
祖国山河.....	14
罗荆蔚 谢发麟 袁第锐 但仲廉 曹子绍 毛谷风 孙 钢 袁振鸣 熊美容 于钟珩 周友生	
题赠酬唱.....	21
胡炳生 皇 汉 余汉武 郭静华 郭静洲 黄思维	
玫瑰倩芬.....	25
王 贝 王林书 何宏斌	
缅怀纪念.....	29
胡炳生 朱兴平 潘竹苍 谢发麟 陈荣权 黄先常 何宏斌 高 卓	
社员作品.....	33
丁大钧 山 月 万静宜 马承先 毛大风 王斯琴 甘慎之 吕烈华 华承林 陈惠荣	

余秀珍	宋明辉	陆永祥	张青云	张从法
周明道	胡勤文	俞浣萍	罗仲鼎	赵德煌
凌成澜	徐宗玉	夏洪华	章倚文	黄心培
黄勤	蒋荫炎			

诗艺争鸣

怎样写好诗·····	黄有韬	76
------------	-----	----

说古谈今

关于李易安的两件事·····	汤霖	78
古人书与古人风·····	马斗全	82

序跋选刊

《凤翔轩诗词》序·····	周退密	85
驾师《墨子集诂》跋记·····	朱渊	86
《谢池草堂诗词钞》编后记·····	周明道	87
《芒海集锦》跋·····	周明道	87

辞赋欣赏

祭两浙词宗文·····	钱明锵	88
白崖寨赋·····	董生茂	89

书刊评议

长知识，添诗兴，仲创作·····	白勇 白牧	90
------------------	-------	----

回首往事

王斯琴先生事迹点滴·····	黄册	92
怀念俞慎初先生·····	周明道	93

古诗选读

元稹《遣悲怀》赏析·····	俞浣萍	95
----------------	-----	----

对联丛话

启微轩对联丛话·····	汤柏林	98
--------------	-----	----

社 讯·····		100
----------	--	-----

国耻难忘

纪念二战六十周年感赋

汉中 魏义友

弹指沧桑六十年，劫灰堆里看馀烟。
西邻空羨施罗德，忏悔何曾有小泉。

隔海遥看日起东，金光莫化剑光冲。
辽天为护和平鸽，腰上须悬后羿弓。

注：施罗德，德国总理；小泉，日本首相。

斥日本当局篡改侵华历史

汉中 魏义友

罪恶昭彰岂可删，教材篡改证冥顽。
今朝犹自争常任，他日如何不野蛮。
八载神州沉血海，万方儿女上刀山。
太行砥柱凌空耸，怒斥东瀛勒马还。

注：常任，即联合国常任理事国。日本为争常任大肆活动，却不为其侵略罪行认错，谁能保证它不重蹈覆辙？时读吕正操抗战回忆录。

满江红

——抗日战争胜利六十周年祭

当阳 黄祥麟

衅起无端，狼烟里，血飘马革。风雷厉、昆仑震撼，元元凌殒。
野燹灰飞凝浩气，长天云暗殇寒碧。总牵得、月月复年年，哀凄切。

当年事，镌史籍。干戚舞，非玉帛。诟及金陵骨，心在狐蜮。靖
国神坛常闹鬼，和平大纛频遭蚀。休嚷嚷、泾渭自分明，宜怀德。

不能忘却的纪念

当阳 黄祥麟

一衣带水本邻邦，凌我中华丧病狂。
惨绝人寰千古痛，残如虎豹百年伤。

弥天之罪书难尽，毒蛊居心慎勿忘。
挚恋当年共荣梦，东条馀孽巧梳妆。

烽火沈阳滋祸端，张牙舞爪小倭蛮。
白山黑水同仇忾，血雨腥风砺剑寒。
喷气成雷雷电激，挽弓射日日光残。
戎机更著英雄胆，高擎长缨缚敌顽。

穹苍悲泣泪成涛，惨烈阴风黯碧霄。
白下屠城天戾罪，长沙烈火地涂焦。
三光毒伎绝人性，四海狂潮卷魍妖。
紧系方舟缘砥柱，旌旗猎猎马萧萧。

残缺金瓯暗九幽，黑云滚滚漫沉浮。
精诚维系兴亡志，忠勇尤嘉帷幄筹。
马革高悬昭日月，国魂沥血谱春秋。
泰山石勒黎元誓，永固长城傲是仇。

试问小泉

吉林 白尚斌

日寇投降半纪多，今朝拜鬼欲兴波。
无端又改侵华史，试问小泉意若何？

抗日战争胜利六十周年感赋

新会 陆景秋

六十年前举白幡，如山罪证尽推翻。
炎黄未算金陵债，东国频招靖社魂。
羽翼渐丰常蠢蠢，心肠狠毒每昏昏。
回头是岸阳光道，莫在阴沟放妖言。

六十年来国运通，倭奴气焰实难容。

“谋常”改史涂脂粉，结霸强兵挥剑弓。
小鼠跳梁奸且诈，大虫添翼猛而凶。
洪流浩荡旋涡滚，旧路重行荆满丛。

斥东洋右翼篡改历史教科书

新会 陆景秋

脱壳寒蝉换骨尸，改书篡史咎难辞。
屠刀闪闪藏衣袖，血口淋淋抹粉脂。
妖怪装成大国手，熊婆扮作美人儿。
狰狞面目怎遮盖，醒悟前非痛改之。

满江红

——纪念抗日战争胜利六十周年

江西 刘道龙

“七七”狼嚎，狮猛醒，八年拼搏。民族恨，气冲霄汉，怎甘亡国。义勇高歌云水怒，芦沟照月风雷霍。赤帜擎，有党做先锋，军民魄。哀霸道，多龌龊。军国梦，端衣钵。要神州十亿，再沦贫瘠。说梦痴人生妄想，地区小霸拴喉纆。看中华，已马壮兵强，横长槊。

潮汕沦陷血泪吟

——纪念抗日战争六十周年杂咏

揭阳 贝闻喜

旧恨与时日日深，分飞劳燕宿寒林。
东南半岛遭横暴，寡母孤儿泪湿襟。

注：余幼遭父丧，三位兄长远度南洋谋生。日寇陷潮又占东南亚各国，侨汇断绝，我与寡母幼弟生活困迫、日以泪水洗面。

神州何处得安全？肆虐敌机布满天。

街道尸横飞血肉，少年失学恨绵绵。

注：日寇侵潮，沿海难民成千累万逃难河婆山城。但河婆又连连遭日机轰炸，街头血肉横飞。时我在河婆大光小学读书，被迫辍学，从此少年失学，遗恨终生。

千万良民变难民，饥寒贫病死为邻。

街头沦落哀鸿哭，何处桃源可避秦？

注：沿海难民逃难他乡，流落街头，鸠形菜色、饿殍遍野。

正义伸张日寇降，万方欢庆喜欲狂。

可怜物价飞天涨，内战调兵遣将忙。

少小每经劫难过，沧桑历尽换山河。

漫思六十年前事，血雨腥风梦尚多。

降幡一片日穷途，战犯元凶早已诛。

军国返魂须警惕，兴邦建国展宏图。

纪念抗日战争胜利六十周年

芜湖 郭静洲

六十年前日寇降，金秋结伴喜还乡。

复员处处留残迹，胜利家家诵捷章。

战乱初平坟草绿，硝烟虽息稻田荒。

如今马放兵藏库，血雨腥风仍未忘。

纪念抗日战争胜利六十周年

当阳 靳方华

日寇侵华罪恶昭，神州沦落铁蹄嚣。

襄河血漫将军殒，长坂悲歌黎庶焦。

子散妻离哀动地，刀横剑拔怒冲霄。

八年抗战终全胜，岂让阴魂靖国飘。

和平之旅

喜国民党主席连战首访大陆

湖南 王伊思

跨越时间六十秋，相逢一握泯恩仇。

严关突破千钧力，渠道沟通两岸谋。
创举拓开新格局，和平终是大潮流。
双赢共识民心向，璧合與图愿可酬。

祝贺连宋大陆之行

汉中 魏义友

隔海相思六十年，如今握手喜连翩。
不开新局非豪俊，能弃前嫌是大贤。
政略商机皆眼急，民心国运更情牵。
纵然台独犹顽抗，难阻洪流荡百川。

早已成村此地球，争强何止是神州。
散沙犹痛人侵侮，合璧须防贼计谋。
商贸忙如儿女恋，政坛忌作亲家仇。
人民利益千秋重，小肚鸡肠一笑休。

喜台湾亲民党主席宋楚瑜首访大陆

王伊思

瓣香樽酒祭黄陵，千里寻根百感生。
海峡波涛难隔断，炎黄一脉血缘情。

风尘辗转历星霜，梦绕魂萦恋故乡。
拜罢祖茔终又别，一山一水总难忘。

海连两岸一家亲，谁脱中华即罪人。
共铸和平期一统，金瓯无缺九州春。

国民党主席连战大陆行二绝

湖南 李吉凯

和平之旅破坚冰，国共高层化结痂。
两岸双赢多贡献，一中兑现独台泯。

四地八天连战行，时来大陆续亲情。
六旬岁月时虽晚，老树新芽勃发荣！

水调歌头

——连战宋楚瑜相继访问大陆感赋

安徽 胡炳生

同谓炎黄胄，台陆一家人。五十六年隔绝，难割是胞亲。千古文明呼唤，万里河山在望，耿耿系归心。生涌神龙血，死亦故乡魂。
遂民愿，和天意，趁芳春。大会堂前握手，谈笑泯仇恩。信守“一中”原则，两岸和平共享，弃旧更图新。实现兴华梦，造福地球村。

骚客情怀

西施浣纱图

王见

日日浣纱溪水旁，青螺宽袖素衣裳。
是真国色谁能比？独赏西施淡淡妆。

喜 雨

王见

久旱连连苦日晴，霎时大雨似盆倾。
池蛙亦解人心乐，一曲通宵唱到明。

主人翁叹

王见

不羨王公不慕侯，人民胜利是千秋。
可怜功业垂成后，命运依然作马牛。

读“清贫高远”书

当阳 王家淦

雄才自古出清贫，创业艰难守业辛。

名就功成犹苦作，四时佳兴长精神。

读史

当阳 何宏斌

满纸伤离字，悲歌动古今。
江山频易主，政客乱弹琴。
即使长城筑，难防外族侵。
黎元多血泪，掩卷一沉吟。

我家的耕牛卖了

巢湖 宋贞汉

欲别何人肯，相随十四年。
负犁能就熟，拖耙不需鞭。
背阔童皆喜，性憨吾亦怜。
棚中今不见，一忆一凄然。

独坐

巢湖 宋贞汉

落落伶仃树，粼粼坦荡池。
徐来风习习，独坐意迟迟。
月皎空成画，情多自咏诗。
幽怀谁解得，所幸酒能知。

午后

巢湖 宋贞汉

淫雨飏寒冷，安閒对砚池。
指僵行笔缓，性拙会心迟。
有客来谈鬼，无言是及诗。
欲拒颇乏术，翻恨受人知。

桥

巢湖 宋贞汉

寄迹清波上，悒悒若等閒。
时逢飞马疾，未见举桡艰。
石拱名青史，斜拉壮宇寰。
垂功不自傲，俯首听潺潺。

山居漫兴

江西 赖竹林

凤尾森森绿万枝，风流潇洒画中诗。
秣华最爱新晴日，淡墨尤宜细雨时。
秋水春山堪梦忆，松涛梅影足神驰。
机缘若许迎鸥鹭，话旧联吟酒一卮。

一剪梅·初夏怀远

江西 赖竹林

常恨春迟春又归。红雨纷飞，翠柳成围。莺梭燕剪愿多违。满苑荼蘼，满目芳菲。独倚危楼日又西。夜色迷离，旧梦依稀。相逢何日睹芳仪？月影娟娟，竹影猗猗。

莺啼序·富春茶社之歌

扬州 蔡文锦

扬州得胜桥北，有昭昭璧玉。照中外、百许春秋，淑女绅士逞欲。逗骚客、杜牧还生，冶春诗社新曲。都曾云：“欢聚聚富春，人生优渥！”谛看琼花，酣咏芍药，品“魁龙珠”熟。印沧忆^①：“海粟专嗜，蟹黄狮头香麵。兼浓醇、拆烩鲢头，干丝妙、翁姬醉目。”“翠烧卖、千页油糕，三丁叹服！”亲王酷爱^②，巴老阿丹^③，冰心都果腹。念往冬、西安友柬：“老店难忘，腊月春温，春花馥馥，宴开冬颐，觥筹交作，清歌曲曲飞邗渚。订来年、四季宴相续。‘春晖’眷眷，‘夏沁’切切觴弦，人人‘秋瑞’书轴！”弄潮

手快，良骥腾腾，着鞭好速！喜此日，俏销快讯：“直上飙轮，快上海轮，疾上机腹。沪疆台港，美欧澳亚，飞传名点趁天马，寄传媒：‘富春真箇酷！’。”岐山鸣凤声声，笏笔书来：“兴邦一族！”。

注：①印沧老人，杰出书画家、诗人李圣和先生。

②亲王，前柬埔寨国王西哈努克亲王。

③巴老，巴金。阿丹，赵丹。

如梦令

在水一方老年公寓

杭州 周文炎

在水一方闲步，怕见落红无数。曾是育花人，竟作寓公常住。公寓，公寓，春去梦归何处？

在水一方安度，镇日忘忧忘苦。锐意学诗词，不管天晴天雨。公寓，公寓，朝夕进修无阻。

诗二首

窗明几净满眸新，处处关怀耄耋人。
从此怡然享清福，安然度老反归真。

老年公寓展新篇，愉快轻松自在眠。
衰朽不愁有依靠，家庭集体两重天。

郑板桥故居

泰州 朱学翁

板桥拆去建高坊，一线商街复道长。
四面新居围大厦，几间故宅保平房。
窗前竹似当年种，院后园为近岁镶。
郑氏如能重过此，当惊世态太炎凉。

刘熙载故居

泰州 朱学翁

昭阳城里寤崖居，官至春坊职不虚。
府第早应兴大厦，住房却只胜茅庐。
百年两进厅堂小，六概三音著作储。
今到采风心有感，守廉现有几人如。

沁园春·国庆献歌

温岭 李学茂

万里河山，溢彩流金，崛起亚东。看龙腾虎跃，鲜花竞艳；天高云淡，赫日当空。百业齐兴，八方互助，经济腾飞国运隆。民殷富，听欢歌笑语，响彻苍穹。今朝乐事无穷，肯忘却艰难开创功？忆工农唤起，征途改革，振我中华路已通。跟党走，喜前程似锦，瑞气融融。

沁园春·金秋即兴

温岭 李学茂

玉宇澄清，万里无云，好个金秋。喜艳阳高照，金光闪闪；金风轻拂，碧水悠悠。丹桂飘香，黄花竞秀，金蕊成团金粟稠。枫林醉，是金杯洒溢，润透山陬。尤多人物风流，撒多少黄金铸九州？看无边稻海，翻腾金浪；满园金果，悬挂枝头。更造飞船，载人直上，携带金星绕地游。巡行处，有金环时现，耀彻寰球。

依原玉奉和周明道先生七十初度

漆湖 方凤翔

钱塘秀瓏赈方家，术济苍生乐德华。
起死回生庭井橘，抒贫恤困杏林花。
谦谦冷卧三冬雪，习习清风七碗茶。
泽被四方霖雨厚，仁心开道竟还瓜。

清明

溱湖 方凤翔

晴和四月百花妍，杏艳桃夭柳拂烟。
蜂觅髓脂珠蕊里，鹧鸣野趣绿槐巅。
儿童远足寻春色，游子还乡扫墓田。
蔽日旌扬篙桨动，会船竞发鹄湖边。

感怀

广东 魏京宁

递变时空度未清，无为尤觉岁峥嵘。
州官放火何其盛，百姓点灯焉可明？
本分原非豪气短，嚣张信是黑云横。
纷繁造化随缘看，月在长河步律行。

乙酉春日感怀寄台湾古炎生宗亲（四首）

广东 古从新

禹甸钟声报玉晨，书斋犹念远离人。
焚香欲共宗祠拜，把盏还期肺腑陈。
雁札往来曾有约，襟怀俯仰不随神。
他年但愿家山聚，倦燕归巢卜贺频。

安得游春共彩车？故园风物忆来初。
繁华事逐陶朱梦，寂寞愁消阮籍书。
柏嶂峰前馀岱气，古塘山外结云庐。
别来身世从何问，惟叹长天雁字疏。

风雅催怀醉砚池，句成难得一舒眉。
春花似昔同谁赏？夜梦于今只自知。
礼乐萦心空急景，歌谣入韵愧明时。
逃名欲向烟霞卧，猿鹤相亲胜有诗。

临轩近市远峰晴，骋望随春逸兴生。
风静疏梅江岸落，日移乳燕柳条轻。
家山碧水堪追忆，游子浩歌证重情。
两地路遥心未隔，相期意气韵同赓。

临江仙·祭烈士塔

杭州 李广洋

擎天一塔狮山上，雄姿锐气豪英，翠岗悼念寂无声。四明千嶂秀，古镇四时青。六十余年如一梦，此身虽在堪惊，当年岁月势峥嵘。睡狮从此醒，浴血到天明。

浣溪沙·四明湖

杭州 李广洋

山绕平湖波撼山，千峰倒影一泫然。露鸥飞去几时还。风月有心留墨客，日观飞瀑夜听泉。阮刘原在此成仙。

乙酉鸡年杂吟十首选四

乙酉孟春 曹少松

德禽兆瑞万家寿，细雨和风事发陈。
花艳蝶嬉莺唱闹，禾丰水笑凤歌频。
击辕不解红羊劫，鼓腹焉知尧舜人。
莫再逃秦寻古洞，驹光止足照蒸民。

鸡窗独检沙虫史，多少楸松吊国殇。
欲问红羊何换劫，难从苍狗细求详。
谁谳朝市诸君梦，便是死生黎庶场。
我劝天公重抖擞，清除贪戾乐虞唐。

不甘鸡肋自低头，极目层楼万象收。
曾炼沧桑成丽句，更披风雨结鸣鸥。
敢将诗骨酿春酒，欲振民魂辅国猷。

喜看梅花千百树，龙吟凤唱兴悠悠。

鸡壇把酒话当年，云树依依思不眠。

离乱难知萍梗事，鱼书久断杜鹃天。

盈虚有信乾坤固，倚伏无常陵谷迁。

月落窗前添怅惋，涓涓清泪湿诗笺。

五绝十首 ~ 步航之兄原韵

杭州 汤柏林

春 感

山溪初解冻，泉水渐丁东。浅草浮新绿，蒙蒙细雨中。

春 阴

海棠初绽蕊，花下久徘徊。暗祝轻阴驻，春暘缓缓来。

农 家

几度鸠呼雨，柔桑渐吐芽。长郊生意遍，春色在农家。

致 友

卜宅近城关，安仁心自闲。平居忘得失，不必在深山。

注：庾信《小园赋》：“潘岳面城，且适闲居之乐。”潘岳，字安仁，撰《闲居赋》，中有“陪京溯伊，面郊后市”之谏。

梦 觉

曲径桃花雨，回塘柳絮风。流莺惊梦觉，旭日映窗红。

无题（一）

露重香凝鬓，风轻月满怀。几人风露里，来赏睡莲开？

无题（二）

谁采楚江蓠？谁续高唐梦？兰芷永留芳，千秋怀屈宋！

兰 亭

右军作集序，书法胜于诗。后世兰亭会，亦同修禊时。

练书法

临池稍有语，日暖玉生烟。手熟终生巧，于心更了然。

武义温泉

昔日温泉畔，平民无暖温。于今人世换，无复旧啼痕！

祖国山河

凤凰台上忆吹箫·登黄鹤楼

杭州 罗制龄

几度兴修，几经毁废，今朝又立矶头。那翘檐飞甍，欲把天勾。俯瞰长江万里，江汉合，滚滚东流。兵家地，龙潭虎穴，首府雄州。悠悠。有谁记取，曾多少英雄，怀古登楼。借白云黄鹤，赋说今愁。堪叹青莲搁笔，谦雅事、千古名留。空回首，红尘紫陌，不见沙鸥。

踏莎行·张家界

杭州 罗制龄

(一)

澧水东流，洞庭西顾，千峰突起穿云雾。云封雾锁陡难登，千姿百态云端露。百丈云梯，几弯山路，峰异景换随人步。怪奇幽秀集此间，庐山不语黄山妒。

(二)

雾润云蒸，花奇苔碧，红杉珙桐含烟湿。古松绝壁紫虬枝，巨藤龙攀云崖石。涧水透迤，飞流折叠，天湖高峡寒波冽。风来倒影群峰摇，暑天却似清秋节。

登泰山

湖北 谢发麟

岱岳隆冬分外寒，天街俯瞰气巍然。
悬垂冰瀑三千尺，渺寂人踪十八盘。
飞索桃源云海外，回程拱北玉皇巅。
抚碑无字焚坑后，难阻文明华夏延。